

Asil: Il problem il pli difficil

Refurma cumplessiva dal sector d'asil

DA LUCAS DEPLAZES / ANR

■ **Accordar asil a personas vaira-main periclitadas è ina gronda sfida per la Svizra. Gea, sco quai che diversas vuschs constateschan schizunt il pli difficil problem che la Svizra sto schliar actualmain.** En vista a las guerras e revoluziuns en diversas parts dal mund datti actualmain grondas gruppas da personas periclitadas che tshertgan protecziun ordaifer lur patria. Quai sa tracta savens da personas en grond privel, umens, dunnas ed uffants. Dentant anc pli grond è il dumber da personas ch'immi-greschan en Svizra per motivs economics. Il grond problem è da pudair differenziar tranter ils vairs fugitivs e personas che tshertgan lavur e gudogn tar nus.

Ina chausa è clera. Il temp da spetga – che dura actualmain savens onns ed onns – sto vegnir reduci considerablmain. Per cuntanscher questa finamira ha il parlament decidì mesiras adattadas per accelerar il proceder. Durant dus onns ha il cussegl federal



Era suenter la proxima votaziun vegn nagin ad avair in recept co proceder tar dumandas d'asil.

KEYSTONE

la cumpetenza d'examinar en projects da pilot diversas mesiras. Da las set mesiras urgentas previdas en la revisiun èn tshintg en favur d'in poceder pli curt.

La confederaziun surpiglia ils custs per il sector d'asil. Per l'onn 2013 han ins calculà ina summa dad 1,3 milliardas francs. La confederaziun paja als

chantuns ina pauschala per mintga requirent d'asil che duai cuvrir tut ils custs.

➤ COMMENTARI E PAGINA 2